

Y Cyfarfod Llawn

Dyddiad y cyfarfod:
Dydd Mercher, 21 Tachwedd 2012

Amser y cyfarfod:
13:30

Cynulliad
Cenedlaethol
Cymru

National
Assembly for
Wales



Agenda

(97)v3

1. Cwestiynau i Weinidog yr Amgylchedd a Datblygu Cynaliadwy (45 munud)

[Gweld y cwestiynau](#)

2. Cwestiynau i'r Gweinidog Tai, Adfywio a Threftadaeth (45 munud)

[Gweld y cwestiynau](#)

3. Cynnig i atal Rheolau Sefydlog mewn perthynas â'r dyddiad cau ar gyfer cyflwyno busnes ar 2 Ionawr 2013 (5 munud)

NNDM5101 Rosemary Butler (Gorllewin Casnewydd)

Cynnig bod Cynulliad Cenedlaethol Cymru:

1. Yn unol â Rheol Sefydlog 33.6 a 33.8, yn atal:

a) Rheol Sefydlog 12.20(i) er mwyn caniatáu i gynigion ar gyfer dadleuon ddydd Mawrth 8 Ionawr 2013 gael eu cyflwyno ddydd Mercher 2 Ionawr; a

b) y rhan honno o Reol Sefydlog 12.59 sy'n ei gwneud yn ofynnol bod cwestiynau llafar yn cael eu cyflwyno o leiaf 5 diwrnod gwaith cyn eu bod i gael eu hateb, er mwyn caniatáu i gwestiynau llafar i'w hateb ddydd Mawrth 8 Ionawr gael eu cyflwyno ddydd Mercher 2 Ionawr 2013.

2. Yn cytuno y bydd y Rheolau Sefydlog hyn yn cael eu hatal ar ddydd Mercher 2 Ionawr yn unig.

4. Dadl y Ceidwadwyr Cymreig (60 munud)

NDM5098 William Graham (Dwyrain De Cymru)

Cynnig bod Cynulliad Cenedlaethol Cymru:

1. Yn nodi'r effaith negyddol y gall pwysau'r gaeaf ei chael ar gyflenwi gwasanaethau cyhoeddus allweddol ac ar fywydau pobl mewn cymunedau ledled Cymru.
2. Yn credu bod gan Lywodraeth Cymru ran allweddol i'w chwarae wrth liniaru ar unrhyw faich a roddir ar bobl ledled Cymru oherwydd pwysau'r gaeaf.
3. Yn galw ar Lywodraeth Cymru i weithredu Strategaeth Pwysau'r Gaeaf ar draws portffolios i sicrhau bod cynlluniau wrth gefn effeithiol ar waith i fynd i'r afael â'r effaith a gaiff pwysau'r gaeaf ar fywydau yng Nghymru.
4. Yn credu y dylai fod gan un o Weinidogion Cymru gyfrifoldeb cyffredinol dros ymateb i ddigwyddiadau a allai godi oherwydd tywydd difrifol y gaeaf yng Nghymru.

Cyflwynwyd y gwelliannau a ganlyn:

Gwelliant 1 – Aled Roberts (Gogledd Cymru)

Cynnwys ar ddiwedd pwynt 1:

'ac yn galw ar Lywodraeth Cymru i gynllunio yn unol â hynny i ddelio â'r pwysau hynny'

Gwelliant 2 – Jocelyn Davies (Dwyrain De Cymru)

Dileu pwynt 3 a rhoi yn ei le:

Yn galw ar Lywodraeth Cymru i weithio gydag awdurdodau lleol i ddatblygu strategaeth i warchod cymunedau rhag effeithiau tywydd garw yn ystod y gaeaf.

Gwelliant 3 – Aled Roberts (Gogledd Cymru)

Ychwanegu pwynt newydd ar ddiwedd y cynnig:

Yn nodi'r dirywiad sylweddol mewn amseroedd ymateb ambiwlansys yn ystod misoedd y gaeaf ac yn galw ar Lywodraeth Cymru i weithio gydag Ymddiriedolaeth Ambiwlan Cymru i sicrhau bod targedau ymateb yn cael eu cyrraedd drwy gydol y flwyddyn.

5. Dadl Plaid Cymru (60 munud)

NDM5099 Jocelyn Davies (Dwyrain De Cymru)

Cynnig bod Cynulliad Cenedlaethol Cymru:

1. Yn cydnabod pwysigrwydd hollbwysig cyllideb yr Undeb Ewropeaidd ar gyfer dyfodol y Polisi Amaethyddol Cyffredin a chronfeydd rhanbarthol; a

2. Yn galw ar Lywodraeth Cymru i gyflwyno sylwadau i Lywodraeth y DU i beidio â hybu na chytuno ar unrhyw ostyngiad yn y gyllideb Ewropeaidd a fydd yn golygu effaith andwyol ar Gymru a'n gallu i gryfhau economi Cymru.

Cyflwynwyd y gwelliannau a ganlyn:

Gwelliant 1 – William Graham (Dwyrain De Cymru)

Ym mhwynt 2, dileu popeth ar ôl 'Lywodraeth y DU' a rhoi yn ei le 'i negodi cyllideb gadarn ac effeithlon i ddiwallu anghenion ariannol Cymru, gan sicrhau economi sefydlog sy'n cefnogi cyllid y Polisi Amaethyddol Cyffredin a chyllid rhanbarthol.'

Gwelliant 2 – Aled Roberts (Gogledd Cymru)

Ychwanegu pwynt newydd ar ddiwedd y cynnig:

Yn gresynu bod Cymru, er ei bod wedi cael mwy na £6 biliwn mewn cyllid Undeb Ewropeaidd rhwng 2000 a 2008, wedi mynd yn gymharol dlotach ac yn dal i fod yn un o'r rhanbarthau tlotaf yn yr Undeb Ewropeaidd.

Gwelliant 3 – Aled Roberts (Gogledd Cymru)

Ychwanegu pwynt newydd ar ddiwedd y cynnig:

Yn gresynu bod Llywodraeth Cymru wedi methu â defnyddio cyllid yr Undeb Ewropeaidd er budd pobl Cymru.

Gwelliant 4 – Aled Roberts (Gogledd Cymru)

Ychwanegu pwynt newydd ar ddiwedd y cynnig:

Yn nodi bod y trafodaethau ar y cylch nesaf o Bolisi Amaethyddol Cyffredin yr Undeb Ewropeaidd mewn cyfnod allweddol ac yn galw ar Lywodraeth Cymru i ddefnyddio'i dylanwad i sicrhau bod budd cenedlaethol hirdymor, yn hytrach na chyfleustra gwleidyddol tymor byr, yn pennu'r agwedd at gyllideb gyffredinol yr Undeb Ewropeaidd.

Gwelliant 5 – William Graham (Dwyrain De Cymru)

Ychwanegu pwynt newydd ar ddiwedd y cynnig:

Yn croesawu ymrwymiad Llywodraeth y DU i rewi cyllideb yr Undeb Ewropeaidd ar lefel gynaliadwy a chyflawni'r fargen orau i drethdalwyr Cymru.

Gwelliant 6 – William Graham (Dwyrain De Cymru)

Ychwanegu pwynt newydd ar ddiwedd y cynnig:

Yn credu mai'r ffordd orau y caiff buddiannau Cymru eu gwasanaethu mewn trafodaethau ar gyllideb yr Undeb Ewropeaidd yw trwy fod yn aelod o'r Deyrnas

Unedig.

Gwelliant 7 – William Graham (Dwyrain De Cymru)

Ychwanegu pwynt newydd ar ddiwedd y cynnig:

Yn annog Llywodraeth Cymru i wneud defnydd llawn o gronfeydd strwythurol y dyfodol i ddatblygu economi gref a chynaliadwy yng Nghymru.

6. Dadl Democratiaid Rhyddfrydol Cymru (60 munud)

NDM5097 Aled Roberts (Gogledd Cymru)

Cynnig bod Cynulliad Cenedlaethol Cymru:

Yn galw ar Lywodraeth Cymru i sefydlu system sy'n golygu bod modd plismona'r Cod Gweinidogol yn annibynnol ar Lywodraeth Cymru a Chynulliad Cenedlaethol Cymru.

Cyflwynwyd y gwelliant a ganlyn:

Gwelliant 1 – William Graham (Dwyrain De Cymru)

Cynnwys ar ddiwedd y cynnig:

‘, gydag amserlen glir ar gyfer ymgynghori a gweithredu’

Cyfnod Pleidleisio

7. Dadl Fer (30 munud)

NDM5100 Andrew RT Davies (Canol De Cymru):

A yw Cynlluniau Datblygu Lleol yn addas i'r diben?

Mae angen diwygio'r system yn ei hanfod os yw am sicrhau canllawiau tymor hir effeithiol ar gyfer cynllunio a datblygu yng Nghymru.

Cynhelir Cyfarfod Llawn nesaf y Cynulliad am 13:30, Dydd Mawrth, 27 Tachwedd 2012